

宣統三年七月上旬

本局設在河北獅子林
電話第五十二號

北洋政學旬報

北洋官報兼印刷局發行第二十八冊

◎ 本期目錄 ◎

▲ 論 著

歲殖過費論

▲ 憲政類

中國立憲史

▲ 財政類

中國財政調查書

▲ 外交類

光緒以來外交史料

▲ 軍政類

美利堅陸軍制度考

▲ 教育類

陸軍部軍國民教育案大意

▲ 實業類

中國新發明之大實業

▲ 新法令

大清現行刑律

▲ 掌 故

順直城邑源流考

▲ 文 苑

韞芬室近詩



論
著

歲殖過費論

選

凡一羣生事所需。皆於其民力是出。故國之歲殖。與其歲費。有相得之率焉。殖過費則爲盈。盈則民舒。國必富。費過殖則爲臞。臞則民蹙。國必貧。此斯密亞丹之名言也。國之貧富。其有能逃此公例者乎。

斯密亞丹。英國人。二百年前之計學巨子也。歐洲至今計學家。尙推重以爲此學之鼻祖。盛矣哉。雖然推重其大名者固多。而忽視其計理者仍不少。說者謂精益求精。後勝於古。進化之公例實然。余未敢以爲然也。蓋卽以貧富原因言。今西哲所主持者。其遜於斯密蓋已多矣。

歲殖過費者。國之所由日富也。此斯密之說也。乃今西哲所主持。則謂國之所由日富者。全在於進出差正。吾請先叙其學說而後詳論之。夫善爲國者。苟欲由貧以致富。一富而不可復貧。則必使國際貿易。有以致進出差正。而不使至於或負。何也。國際貿易。輸出之貨。一或不及其輸入。則既進

出差負矣。而其結果。國未有不日趨貧者。是故今日之各國。恒採用重商政策。獎勵輸出。以使輸出之日多。阻遏輸入。以使輸入之日少。夫惟如是。然後國家庶可以日富。一富而不至復貧也。而不觀之中美兩國之貿易乎。美國自千八百九十八年。至千九百零二年。此五年間。輸出超過。計共二十八億三千三百萬弗。而美國之富甲天下。而吾中國之輸出入。則輸入超過。少則三千萬兩。多則萬萬兩。今且愈益增多矣。而中國之貧。遂亦甲天下。故國之所以日富者。必源於進出差正。今日西哲所主持者。大略在是。此所以與斯密不同者也。

吾敢先下一決語曰。斯密之言。吾取之。至今西哲所主持。則吾所不能附和者也。夫國之富也。有由於內部者。有由於外部者。而要之。由於內部者。十有七八。而由於外部者。十僅二三。信如今西哲之說。國之致富。必由於進出差正。不幾謂國之致富。全由外部。而與內部無關耶。曰。必內部之實業振興。而後外部乃進出差正。言外部而內部自見。吾固非謂其無關也。然使有一國焉。內部則實

業振興。而外部並不能進出差正。百年前之北美。其情形卽如是。所出之貨。皆自造而自銷之。不能運銷於外國。而仍須仰給於外國。將其國必有貧而無富耶。則北美今日之盛況何至焉。卽其百年以前。固亦不爲貧國也。此何說也。且卽以吾中國言。方明末時。盜賊蠡起。說者謂小民貧困。有以致之。迨至我康雍之時。而後民力始稍裕。至乾隆而稱蘇矣。初何意百年之後。吾國之貧困。乃幾不殊於明末也。然則當明末時。吾國不可謂不貧。初何嘗由於進出差負。而百年以前。雖不能與今列國相較量。而在吾國不可謂不富。又何嘗由於進出差正耶。吾以爲一國之致富。不在乎輸出日多。而輸入日少。而在乎歲殖日多。而歲費日少。夫國猶家也。一家之殖過于費者。其家必日富。反是而費過於殖者。其家必日貧。惟國亦然。故使一國之歲殖日多。而歲費日少。而歲殖能過於歲費。則無論進出差正。輸出之超過輸入也。其國有必富之理也。卽使進出差負。輸入竟超過輸出。而其國中之總母財。亦必有已富而不至於日貧者。今夫歐

洲之英法。天下之富國也。雖然使一考其國際貿易表。則有不能不令人瞿然以驚者。夫論二國之日漸富厚。而年勝一年。在不知者必以為國際貿易。二國必進出差正。而斷不至於差負。而烏知夫一考其貿易表。則有出乎人意料之外者。蓋英之輸出而不及其輸入者。近數年間。每年平均額。約有十二萬萬弗。而法之輸出不及其輸入之數者。每年平均額。約有一萬一千三百萬弗。今請以法國之貿易表證之。

年	輸出	輸入
一八九七	七二〇	七九一
一八九八	七〇二	八九五
一八九九	八三一	九〇四
一九〇〇	八三二	九四〇

一九〇一

八三三

九四三

總數

三九〇八

四四三七

由英法之進出差觀之。信如今西哲之言。宜乎英法二國。其貧甲天下。以視吾國之進出。僅差至數千萬兩者。英法當較吾尤困矣。而何居乎之二國者。乃竟以雄富著稱焉。則可知一國之殖過於費者。其國無不富。但能歲殖日多。而歲費日少。雖使其貿易輸入超過輸出。且其所超過之額。又非僅數千萬兩已也。甚或超過之額。至如英國相差。直至於十數萬萬弗。而國財之日漸富厚。無阻礙也。

抑吾聞之。英國小民。勤儉而耐苦。法之國中貴族。雖不免窮奢極侈。至其小民。則好儲蓄而能自節其食用。此可以見夫二國之民歲費之所由日少也。至論其歲殖。則之二國者。工場林立。貨品極多。日尋其國外之市場。而求其百貨之宣洩。近來英法諸國。民日趨於東亞大陸者。職是故也。則是二國之歲殖之多。

又不待言。其國中之歲殖則日多。而其國中之歲費則日少。此果何憂而不富乎。雖然歲殖日多。而歲費日少。而其國財之不日進富者。亦或有之。今使英國每年之國際貿易輸入超過之額。計共十二萬萬弗者。乃其國中之歲殖過於歲費者。則僅十萬萬弗。而不能及其輸入超過之額。則雖歲殖之過於歲費。而不能不以貧見告也。蓋一國中之歲殖。其不及於歲費者。無論已。使其過焉。則在夫輸入超過之國。必視其所超過之額。而大過之。然後國財乃日富。使歲殖之過于歲費者。而僅抵其輸入超過之額。則其國財爲不減不增。不見其貧。要亦未必見爲富。設歲殖之過于歲費者。其數甚少。而不及其輸入超過之額。則將其國中之總母財。不但不日富。而且必至于日貧。其日貧也。非果輸入超過之爲累也。亦其國歲殖之猶少。而歲費之猶多而已。然則英法二國。彼其國際貿易。輸入超過之額。如是其鉅。而其國財仍臻然日盛。則英國之總歲殖。其過于歲費者。吾料其每年平均額。必不止十二萬萬弗。而法國之總歲殖。其過于

歲費者。吾料其每年平均額。必不止一萬三千三百萬弗。此則吾所能臆決者也。吾故曰一國之致富。不在乎輸出日多。而輸入日少。而在乎歲殖日多。而歲費日少也。

蓋國財消長之理。其與一國之進出差。固非全無關係也。差正者國財必長。差負者國財必消。使但以進出差之關係論之。未始非國家之所由貧富也。乃一考諸各國之實事。其情形或與之相反。則以其國之歲殖。與夫歲費。而更有相待之公例。以與之並行故也。是故一國之歲殖。過於歲費。而竟能進出差正。則國財固有必進富之理。然其富也。不能遂謂爲差正所致也。實仍其歲殖日多。而能過於其歲費而已。反之。一國之歲殖。不及歲費。而又值進出差負。則國財固有必趨貧之理。然其貧也。不能遂謂爲差負所致也。實仍其歲殖太少。而不能及其歲費而已。前之佐證在於美。而後之佐證在中國。吾固非不知有中美二國之證據者也。彼泰西諸國。日從事夫獎勵輸出阻遏輸入者。其殆別有原

因乎。嗚呼。君子讀原富終篇。其於世界之經濟大勢。未嘗不爲之三歎也。或曰。以吾所聞於西哲者。則英法差負。其理由非此之謂也。蓋英法之進出差負。而國財轉富。泰西計學家。實亦嘗研究此問題。子以爲歲殖過費者。而彼則謂有國際貸借。國際貸借者。卽一國或立於債主之地位。或立於債務者之地位。其間債權與債務之差額之謂也。蓋英法二國。國財之所以日富者。實以有國際貸借之關係。除其出入貿易外。而能別收他國之利益。此所以進出差負。而其國仍富也。今請詳其所謂貸借關係之種類。

一輸出品之運送費。是包括運費及保險料二者而言之也。英國每年所得之運送費。共有九千萬磅。其額之巨。可以見已。

二外國投資之利金。英法二國。資本充足。恒出其貯蓄以投於各國。而吸各國之利金。今如英國。年年自外國殖民地所收得之利益。其數有一億磅有餘。法國投資於歐洲大陸之數。約共十一億磅。而每年之收入。約共

五百萬磅內外。蓋投資之利金。實貸借關係中重要之項也。

三在留外國人之消費金。如瑞士國。每年所得於外國游歷者。共四千萬弗。英之倫敦。法之巴黎。富麗甲天下。固當有非瑞士國比者。

其主要者如上述。餘尚多。以關係甚小。故畧之。然則英國之年年十二億弗之輸入超過。而其國仍富者。賴有此也。惟法亦然。此所以雖有一萬三千三百萬弗。而國財仍雄視歐洲也。西哲所謂國際貸借之關係者。大畧亦在此。而西哲所解決英法差負。國財仍富一問題者。大略亦在此。豈嘗有謂其源於歲殖過費者乎。

則請應之曰。英法之進出差負。而國財仍富。彼謂其源於國際貸借者。不獨西哲持此說。即吾亦持之。然則何解於歲殖過費之說也。曰。有國際貸借諸項之所得。歲殖之所由日多也。蓋英法二國。惟其有國際貸借。是以歲殖日多。而大過於所歲費。此所以進出差負。而英法仍富也。誰謂夫國際貸借之所得。而不

在於一國歲殖之中乎。

然則與西哲之說遂無異乎。曰：是又不然。歲殖過費之公例。自斯密亞丹後。真知者寡。卽斯密亞丹亦僅於其原富一書之發凡。略一叙述而已。固未嘗持此以衡量諸說。折衷羣理也。惟其然也。故英法日富一問題。西哲但歸功于國際貸借。其實國際貸借關係外。其所以致英法歲殖之日多者。尙有在也。使前此之英法二國。竟無國際貸借之關係。將所謂利金消費金運送費金。英法無分文之吸入。但使其國產大盛。而歲殖真多。果能過於所歲費。英法今日之盛況。未必不可以竟見也。蓋一國之歲殖。不限於國際貸借諸項。國際貸借諸項之所得。一國歲殖中之一類也。彼西哲者。但知有國際貸借而已。至歲殖過費之公例。則非彼所及見也。此則與吾言不同者也。

總之富國之道。莫過於歲殖日多。使之大過於歲費。苟其能之。則進出差正可也。進出差負亦可也。國際貸借有所得可也。國際貸借無所得亦可也。歲殖之

過於歲費者。其國固有富而無貧。反之歲費日多。而過於歲殖。則雖進出差正。而國際貸借之所得復多。吾不能保其國之必富也。

抑吾更有一言。夫吾之所謂歲殖過費者。非欲其歲費之日少也。實欲其歲殖之日多。歲費日減。而歲殖不增。此吾國節用之說也。極其流弊。必至國家之百政不舉。遂如癆病者飲食日少。而遂至消亡。非國家之利也。又不及是。歲殖增矣。而歲費不與之俱增。國家必無此經濟之現象。且何有於歲費之日減也。夫一國之歲殖日增。此正坐一國之歲費與俱增多耳。能使一國之歲費。視諸歲殖而較少。則雖今年之歲費。十百倍於往年之歲費。無妨也。蓋吾所謂歲殖過費者。其於一國之歲費。吾不欲其與往年之歲費比例見減。實欲其與當日之歲殖比例以見減耳。嗚呼。處吾人羣主節用之國。此不可不爲一言者也。嗚呼。斯密之言。萬古所莫易也。此所以生於二百年前之英國。而爲世界計學之開山也。

歲殖過費論



憲政類

砲隊二隊。工輜各一隊。軍樂半隊。江西已編步隊一協。馬隊二隊。河南已編步隊一協。馬砲隊各二營。軍樂一隊。湖南已編步隊一協。應統限四年一律編練足額。湖北兩鎮。查該省居全國適中之地。宜厚兵力以資策應。現已編成一鎮。又混成一協。應限三年編練足額。浙江一鎮。福建一鎮。查該省地處海疆。必須聯絡一氣。以固東南門戶。現在浙江已編一協。據奏擬編一鎮。福建已成步隊一協。擬編步隊一協。砲隊一營。工程二隊。應均限二年各編足一鎮。以符定額。廣東二鎮。廣西一鎮。查該兩省當海陸邊要。須通力合作。以固南服藩維。現在廣東已編混成一協。廣西已編步隊三營。砲隊一營。均應限以五年一律編練足額。雲南兩鎮。查該省控制西南邊徼。亟宜厚集兵勢。以資防守。現在已編步隊一協。砲隊二營。應限五年籌餉添練。於限內編練額足。貴州一鎮。查該省尙屬腹地。編設一鎮。足資分佈。現在已編步隊一標。應限五年編練足額。四川三鎮。查該省爲長江上游。與滇藏接壤。且物產富實。較諸他省。款尙易籌。現在已編步隊一協。應限三年編足兩鎮。其餘一鎮。另由度支陸軍兩部商籌協撥。統於限內編練足額。山西一鎮。陝西一鎮。

查該兩省雖近西北諸邊。尙據山川形勝。各編一鎮。可以扼要分駐。現在山西擬編混成一協。已成步隊一協。陝西已編步隊一協。砲隊一隊。均應限以三年一律編練足額。甘肅 兩鎮。新疆 一鎮。查該省爲西北門戶。必須關內外聯絡一氣。以控邊陲。現在甘肅已編步隊一協。馬隊二營。砲隊各一營。應限五年編足兩鎮。新疆已編步隊一標。馬隊二營。砲隊一營。應限三年編足一鎮。熱河 一鎮。查該處爲京畿外輔。控引蒙旗。須專設一鎮。以資扼守。惟創始非易。應令該都統妥爲策畫。限四年編練足額。奉天 一鎮。吉林 一鎮。黑龍江 一鎮。查東三省地方遼闊。亟須各編一鎮。俾資分佈。現在該省除奏調近畿一鎮。及混成二協外。其自行編練者。惟吉林步隊一協。其餘均未編設。應責成該督撫等速行籌畫。統限二年一律編練足額。

八月 詔設資政院

是月十三日奉 上諭朕欽奉

皇太后懿旨。立憲政體。取決公論。上下議院。

實爲行政之本。中國上下議院。一時未能成立。亟宜設資政院以立議院基礎。著派溥淪孫家鼐充該院總裁。所有詳細院章。由該總裁會同軍機大臣。妥慎擬訂。請旨施行。

按資政院至宣統二年九月初一日始行開院。

諭各省督撫將軍另籌駐防旗丁生計

此爲消除滿漢畛域之始。奉八月二十日 上諭。

會議政務處奏覆會議組織責任內閣事宜

本年七月初三日御史趙炳麟奏組織內閣宜確定責任制度一摺。奉 旨交會議政務處議奏。茲經奏覆。略以內閣爲行政樞紐。各國憲法。必以各部大臣參預政務。分之爲各部。合之爲政府。所以統一事權。明定責任。又必有議院之翊贊。行政之監督。期於互相維持。無復有畸重畸輕之弊。固爲各國通行之成式。亦卽憲法不易之定理。惟該御史所陳五條。有應切實推行者。有當次第籌畫者。謹參考各國成例。酌量我國現情。分別詳覆。敬爲我 皇太后 皇上縷晰陳之。原摺內稱政權兵權。不可混合。按立憲國之總理大臣。本不兼攝他缺。緣贊畫機務。統轄各部。責任至重。勢不能再有紛營。惟各國時政所趨。每隨政黨爲轉移。卽視總理大臣爲進退。如各國總理大臣。或以外務卿兼任。或以度支卿兼任。此以見政策之所趨重。至於海陸各軍大臣。必獨

立於政界之外。使政事軍事。截然兩途。雖德國偶以總理大臣兼任陸軍大臣。日於日俄爭戰時。桂太郎亦以總理大臣兼陸軍大臣。此皆因國際戰爭。一時權宜之計。各國海陸軍之權。必專屬君主統轄。今中國內閣尙未成立。果組織漸有頭緒。總理大臣自不得兼海陸軍之任。以清界限而專責成。原摺又稱資政院宜實有議院之性質。按此誠憲政之預備。所以采輿論。達民隱也。亟宜查照上年官制原案。就

欽選會推保

薦三法。選通達治體之京外官紳。尅期建立。惟所陳院中得過半人數決定者。政府不得拒絕。政府違法。資政院中有過半彈劾者。政府不得居其位一節。查各國議院與政府立於對待之地。政府違法。議院得以彈劾之。議院舉止失當。政府亦得以君命解散之。自不得有所偏重。轉失相繫相維之意。日本內閣成立。參用君主立憲國制度。故內閣得自由行政。而有采公論以施行之事。議院得自由彈劾。而無強政府以必行之權。此固適合東方國之程度。且與上年預備立憲之

諭旨。大權統於朝廷。庶政公諸

輿論一語。意正符合。今以資政院代上議院。藉爲政府之監督。在憲法未定。議院未立之時。組織法。要在彼此相維。先使議政行政。權限分明。庶無凌越之弊。原摺又稱審計



財政類

募三十萬兩。且請設立公司。以行應募之事。李總督批其稟帖。大加獎勵。謂其深明大義。急於公務。實堪嘉賞。奏請皇上加恩鼓勵云云。此乃十月初旬之事。而其策實不外以暗中已商酌妥協之事。藉此揚之以誘來者而已。

第一 忠義公司 越一日。忠義公司設立之稟帖。上達於督署。其言曰。職道學詢。偕同雷瓊道及楊道至香港。與職道國蔡知府華昭鼎生商議合併。學詢先應募三十萬兩。通計已達三百萬兩。現於省城之西關。設忠義公司。職道等三人。分擔勸募。並於香港陳國蔡所協同開設之德記利子洋行。在澳門盧華昭所設立之寶行銀行。代爲分收。陸續送達之於忠義公司。更交付於善後局。惟管理設立公司。及勸募之事。有必須種種蓋印者。又海關之秤。與市場之所行者不同。故請爲忠義公司下給印一個使用。此以蓋印要件。又請仿海關之秤。製造三個。下付於公司。使之使用云云。最後又提出交換問題曰。職道等勉力奉公。資斧雖皆屬自辦。而責任繁重。必須有幫補之人。又必須給相應之

薪水。在稅務司以收入金額預存之故。得以利息充其費用。而在職道等。則收於右。即送之於左。無利息可得。惟懇准其委此于招募各地之錢店。則庶幾可得幾分之補助。又由全局而觀察之。其可廣爲募集之地方。以上海天津等處爲最便云云。嗟乎。此時何時也。以吾言之。正可覘支那國運隆替之時也。蓋彼時北方敗北之報。尙未曉然。故標公義之名。以爲號召。而李總督於此。亦惟有唯唯而已。不遑他及。且一切大概。爲彼等商議已妥協者。試觀其設立及勸募書。自可了然。其書曰。本公司之所以設立者。實以東方不靖。擾亂邊陲。軍用輸送。及軍兵募集。在在需款。于是皇上勤宵旰於上。臣工惕勵于下。用是昭布朝廷大信。敕借華款。優與利息。一如外債辦理云云。而更詳述募債及償還之規則。更說明到償還期時。社會可照債券上所書者買收。以昭信用。其發表意見書曰。學詢才力微薄。無補大局。願與諸君。忠肝義膽。共賦同仇。助軍需以供撻伐云云。其書洋洋灑灑。不下千餘言。然以吾人觀之。終不似勸誘國民急國難。

之公債募集書。吾人雖不敢謂此書毫無價值。然以彼等先所上之書及後所述七十二行商之態度觀之。實不過視爲一尋常之小事。但其詞句之艷絕悲痛。頗足動人。此蓋就彼國之常態思之。而當時之情況。或有出於不得已者。故如是也。是故異時忠義公司。於十一月上旬籌辦。十二萬五千兩。又於十月二十三日。籌辦二十三萬五千兩。而遂蒙李總督之褒獎云。

第二 七十二洋行之應募 當此時也。觀望形勢。其殆爲廣東七十二洋行商六十年來掃除苛政之期也乎。先是彼洋行等。因籌款屢謀於劉學詢。更呈請於總督。今考其上書之由來。實緣從前廣東之外國貿易。爲十三洋行所獨占。其時因防漏稅虛報等弊。派遣駐防旗丁。於各要地使檢查登記。通過之貨物。商人因之須出報銷之手數金。正額四文。於其旗丁之家人書又各納一文。於是舊來困於生計之旗丁。遂藉此而開闢一生財之路。嗣又檢查所復逐日增設。而徵收額數。亦逐日漸多。爲之上司者。已命其所已得者。分幾成以貢獻。

於己公然成一新稅焉。職是之故。爲商人者。對於此不規則之徵稅。與手數。久已不堪其苦。光緒十八年。同盟罷商。（卽罷市）之事。遂出現於佛山鎮。時爲上司者。因見事局頗大。暫爲鎮靜人心之策。曾發告示。嚴禁不許爲此苛擾。然此已成數十年之舊慣。而且官吏及旗丁等衣食於斯。豈肯因此遂奉行外面的禁令之理。故其苛索經費之增加。反較之以前尤甚。故彼等延至今日。始上書於總督。謂甘願應募。並求頒行一定之稅率。其情形甚覺可憐。且彼等願擔任百萬兩之債券。更呈請於總督曰。從來商民。無一團結。恒釀出種種不便利之事。故前公推劉道臺組織商務總會云云。彼商人用此種方法。着着奏効。其所擔任者。遂成礮臺釐金之新增稅。引受一百萬兩。商務總會。亦遂藉此成立。而前此所設立之報銷等局。皆撤。誠不意十有二年之後。至於今日。商務總會。竟能與粵督岑公。困礮臺稅大生衝突。而得十分之勝利也。但彼時商務總會。如約會合義應募之事。謂全省七十洋行中。有礮臺費。及釐金者。納年額之二



外交類

險峻之處亦有懸崖林木折而北行林木漸稀境界漸寬又三十一里地土平行有墾種之田河之兩旁山根險峻樹木扶疏此間有河通河汶河通之岸林木相間自帕字界牌至瑚布圖河口九十六里七十薩仁○第四段自瑚布河口起至那字界牌止此段界道直線向西北照子午向偏西十二度四分三秒計俄里七十里二百五十四薩仁自瑚布圖河口界道直綫過芬芬河北岸經平野至陡崖卽於此山界道立倭字界牌距瑚布圖河口二里九十五薩仁界道直綫二十里內越嶺數重其間有數小河流入八道河子距倭字界牌七里一百薩仁之處將第十七記號立於高山之上自此二里一百七十薩仁界道直綫經溝下過昨羅塔牙小河卽東大川自第十七記號行十三里一百六十薩仁於嶺高處立第十八記號此二記號之間樹木稀少自此山路窄險嶺上有林木自第十八記號行十三里三百七十五薩仁過水曲律川河又踰一嶺經佛倫喀河源沿河直行過數小溝有二溝入佛倫喀河自此過小河涉平岡至第十九記號將此記號立於嶺之高處自第十八記號至第十九記號相距二十六里八十五薩仁自此界道直綫下嶺至陷泥溝經過入佛倫喀河之小河復踰嶺過數小山又

越數溝沿佛倫喀河之分流計七里三百六十薩仁渡佛倫喀河自此沿小溝直至平嶺立第二十記號自第十九記號至此十里四百七十五薩仁自此界道直綫沿佛倫喀河過數小溝由綏芬河佛倫喀河之分水嶺直至那字界牌距第二十記號十里三百三十九薩仁自倭字界牌至那字界牌六十八里一百五十九薩仁那字界牌係立於平岡小峰之巔此山東北下臨東岔河之坡爲最陡○第五段自那字界牌起順分水嶺至瑪字界牌止計俄里七十七里二百五十薩仁界道自那字界牌處向西南順平岡疏林四百一十五薩仁而下山坡之西小綏芬河之東經東岔河源又折而西北一里四百三十五薩仁折而北三里十五薩仁嶺窄林密此嶺有二陡坡下臨小綏芬河及東岔河又二里二百二十薩仁向西北至高山巔界道折而北二里三百五十薩仁順寬嶺而行山路漸低又越一嶺高而窄下臨小綏芬河及東岔河之源界道又折而西三里四百四十五薩仁嶺上有松下臨二河又折而西五里二百六十薩仁順平岡而行此嶺西臨綏芬河不甚陡東臨西陽河甚險界道折而西二里三百七十五薩仁迤南至平岡又折而北一里一百薩仁至綏芬河西陽河穆稜河之分水嶺上立第

二十一記號距那字界牌二十四里一百一十五薩仁由此北行一里一百三十五薩仁界道漸低至二平坡有林木之嶺折而東北七里一百八十五薩仁界道在平岡疊阜間此處係穆稜河北岔河所由分又一里三百五十五薩仁折而東南又折而東北十一里二百七十薩仁至小西陽河源立第二十二記號距二十一記號二十一里四百四十五薩仁自此界道九里四百七十薩仁東至嶺上有林木土阜又東九里一百八十薩仁順平山而行在此山之麓立第二十三記號此處係入大沙河子之喀滅諾什喀河源及入黃泥河子之數小河源相去不遠距二十二記號十九里一百五十薩仁自此界道向東北八里二百九十薩仁順石嶺而行寬窄相間又折而東一里三百四十五薩仁山勢漸陡又一里四百零五薩仁至老虎山在此山下平岡立瑪字界牌距此一百三十薩仁有自大沙河子至黃泥河子之路自第二十三記號至瑪字界牌十二里四十薩仁○第六段界道自瑪字界牌起至白稜河入興凱湖之口止計俄里九十里四十五薩仁白瑪字界牌二百五十薩仁界道向東北至於山岡折而東南三里路多峻險叢樹間蹊徑偪窄嶺盡下行折而東順平嶺四里一百一十薩仁折而北

三里一百六十薩仁山高而平又東北二里一百十五薩仁至山麓仍向東北十九里四十五薩仁即順山脊而行至波爾沙牙山其間一山有石峯其一山有林木山北有中國之黃泥河子入穆稜河山南有數小河入於西陽河距波爾沙牙山一里一百二十五薩仁之處即俄界之尾伊諾庫爾喀溝有通中國穆稜河地方小路波爾沙牙山係畢羅畢喇咋瓦牙河及尾伊諾庫爾喀溝之所自出由波爾沙牙山界道折而北三里四百九十薩仁至無名山此山四面峻險北有林木爲黃泥河子大烏沙奇河所自出大烏沙奇河流入興凱湖自此山界道折而西經大烏沙奇河之上游二里三百六十五薩仁又折而北七里四百零五薩仁界道由窄嶺與大烏沙奇河並向東北行左右險峻有林木由此嶺經平岡漸下折而東九里一百薩仁至小平岡此山係什羅喀牙溝即圖拉河源所自出自此界道折而東北十六里四百三十薩仁順平岡而行至拉字界牌山勢平行形如野甸即穆稜嶺計白瑪字界牌順分水嶺至拉字界牌七十二里四百七十薩仁

界牌山岡平處計四百薩仁經白稜河源順溝下行一里四百薩仁即順白稜河十四

軍政類

刺刀則三稜式日俄戰役以後知三稜式刀之不堪利用也亦改用直形尖銳背鋒之刺刀至教育一切直受陸軍部訓令而施行之步隊軍服其袴袖皆用銀白色鑲緣

馬隊 馬隊每標標統一人標附副協參領一人參謀官一人軍需官一人管官三人隊官十二人副協軍校二十四人特務曹長十二人一等下士六十六人下士四十八人號手蹄鐵工各二十四人鞍工車夫各十二人兵卒約六百人至其教育一切與步隊同袴袖記章純用黃色

馬隊每標有獸醫科所用獸醫不與員弁同列亦不入兵籍

礮隊 礮隊無一定編成之制全國百十四隊均隸陸軍部每隊之編成亦不能一律隊有習礮二門者有四門者間有六門者礮種口徑亦不一有陸路礮有榴彈礮有白礮口徑自七生的以至十七生的以上皆兼用之每隊官長概如步馬二隊此外四隊或六隊合爲一標有標統等官以統馭之礮隊

袴袖記章純用紅色

工程隊 工程隊三營直隸隊軍部每營營官一人隊官四人排長八人特務曹長四人弁兵約九十人

第五節 糧餉兵械

行兵餉項 將官而外弁兵餉項以資格之淺深定增額之多寡每屆月終給餉一次發給時必留若干以爲洗衣及購另物之用

衣費 弁兵衣費在餉項之外每年約給八十餘元美金按月分給所有內外襦袴履屨悉令自備

將校住屋及馬糧 將校俸餉之外官給住屋其大小視階級爲差乘用之馬各自購畜公家另給料費其費並詳前表

軍裝飲食 一切軍裝如皮帶藥盒軍帽馬具營裝（卽帳篷雨衣水壺斧鋏）之屬皆由官給

飲食亦由公中供具一日三餐均甚豐腴食品爲麵包魚肉蔬菜香料加非之屬每食有餘管理人員往往售其餘物以所得款隨時添購食具及弁兵適用之物

馬匹馬糧 馬匹由軍需局採辦擇其已經調練者分送各營美之定制軍中馬匹專用驢馬不用牝馬至所需芻秣則召人承辦承辦人交諸軍需局再由該局轉發各營每馬一匹每日定給食料計草十四磅燕麥熟米大麥玉米共十二磅此外稻稈三磅用作厩中薦蓐之用
美人以玉米一物最宜馬食凡飼馬必加入少許約居他物十分之一食以稈不獨軍中無之卽耕者牧者亦不用也

第六節 營房

美國營房精麗無匹風景絕佳凡建設營房必先相名勝曠敞之地或臨大河或踞高阜始宜於用房屋之制多採娥形式或直線重疊式練兵場別爲一區

體操場則置諸室內兵房與官房相距稍遠不相雜廁兵房層樓二重其各軍雖有不同而大致不甚相遠每一隊或兩隊共處一區其中有官廳有兵室雜役房下土房下土膳堂雜役膳堂盥浴房工藝房圖書房廁所雜物庫惟兵室內積極其寬宏每兵有壁櫃一以藏官給什器有木箱一以貯私用器物兵房之外另有兵士膳堂遊戲場等室

第七節 馬廄

馬廄寬敞高大不亞於兵房中設廿字形走道寬以對面二馬可以同時旋轉爲度馬則分繫兩側頭面壁尾面走道鞍轡等件卽置於尾際架上馬頭槽際另有細道一以便飼馬者之往來屋頂另設騎棟較大兩長側面上下均有螺旋窗以便透氣通風地面敷以石面土或布紅磚中稍突起蔭場後端稍低以便除掃糞溺

第八節 懲罰檢閱

軍律至嚴弁兵多受懲罰募兵之始人爭投効至充兵之後衣食住餉四者交優然以軍律森嚴之故中途逃亡仍復不少其懲罰之例分營房禁錮守護及孤身禁錮三種

檢閱之典有按時舉行者有猝然舉行者統由陸軍部主之其檢查閱視大約爲兵額內務餉項公款學科術科軍紀風紀諸端

第二章 民兵

美國國民自年十八至四十四歲無不列名兵籍一旦有急均可徵集以赴兵役在軍之期通常以九月爲率團練之受公家津貼者在軍之期限以五年有徵立至不得緩延其不受公家津貼者自制軍服集資設會建立武學以習武事會中於演習兵事外並有圖書室遊戲室以爲息游之地

第一節 已經編隊之民團

據千九百零四年六月之調查各州在團軍人其數如左

參謀部等處將校弁兵

一〇三〇

步隊將校弁兵

一〇〇四七八

馬隊將校弁兵

五〇一八

礮隊將校弁兵

六九五三

工程隊將校弁兵

一〇五一

信號兵將校弁兵

八八九

衛生隊將校弁兵

三八四

總計

一十一萬五千八百零三名

按美國民團非以捍禦外侮不過鎮壓內亂而已故一切事宜皆各州自立章程自籌辦法中央政府不與聞也至千九百零三年十月兵部始頒報告款式於各州令其每年照式填報翌年十月各州具冊報之兵部其未交到者尙有

二州

民兵官長多有南北解盟時曾歷戎行之員各州軍裝均有定式惟無事之日則任便選用各從所用國家不之禁也

錄阿來全省團練概略章程於左其他各州大略從同

一 本省遵議院議定章程特設一師團合計四標專供常備軍戰時補充之用

二 中央政府撥來之款專供野操之用餘則留購軍裝

三 本省本年經費四萬五千元

四 準議院定章有未實行者宜從速照辦

五 每次操練如逾一日即應給以餉項

六 團練董事有隨時改良章程之權

各州團練無定式其編成年隊亦無劃一制度要皆自爲一團各團額數亦不一律有數百人者有數千人者多者且至萬餘人有馬步礮工軍樂醫藥各隊全備者有缺數種者甚則只有步隊一種而他皆無之者而一州之兵又皆零

星散處每一地分屯之兵數少者十餘人多者亦不過數十人

據千九百零四年各州之報告每州均有分表官長若干員弁兵若干名馬步礮工軍醫軍樂各若干名一州之內某村落某鎮市分屯若干名其一軍操練次數之多寡各種裝械之有無各成一表至詳極悉然列表瑣煩略不復錄至未經編隊之民兵無所統屬故確額無從深悉但以美之戶口計之當不下八百餘人

第二節 義勇隊

國內有警常以義勇隊或常備軍剿之國有外患則常備軍之外凡國中義勇隊皆不待國家徵集爭先投効蓋國民好義風尚使然且義勇隊之額常超過所需之數如西美爭戰國家募兵萬人乃二日之間應募義勇隊已三四倍之矣

其或戰事過劇兵力過大義勇隊之力不足勝之國家始發部令徵集民兵如

南北之役是也

第三節 自立民兵

美國民兵之外更有所謂自立民兵者乃外國人民僑居美境者所立各就原籍分國成團裝械亦稍有可觀所用旂幟本國者一面美國一面左右平列然爲數甚微非美國軍隊故不詳述

第三章 陸軍教育

美國教育之事皆授權於各州而中央政府不甚過問惟軍人教育則中央政府主持之蓋軍事惟舉國所關不能不集權於中央也其武備學堂章程課程固甚完善而於教育機關殊多缺憾蓋美國獨立一洲其情形與歐洲列強角立者迥異而美國國是又非欲以兵力競勝於世界其不甚致力於軍事教育固其所也是以參謀戰術諸科均無專校且科學發達工藝精良故軍醫製造諸藝術亦不待講求而大備宜其軍備學堂之寥寥矣

第一節 陸軍士官學堂

學堂建於委士盤距紐約約五十里爲常備軍士官養成之所茲錄其章制如左

第一條 學堂辦事機關

一本堂分職委任之權總之兵部所有教員直隸於兵部大臣之下而擔荷教務

二總理一員掌全堂命令並節制委士盤駐兵兼助陸軍部次長與兵部副書記官編纂本堂一切報告估計事宜

三凡教員在堂任事逾十年者其職銜薪餉及各項利權可與正參領相當惟權限只在學堂以內各教員每屆七年由總理派送他國及本國各地學堂調查學務回堂報告以資改良

凡教員與本堂執事人員均屬於本堂之將校團

四學生有經選定試允官長者有管理學生之權並幫同教授術科

五學堂總理須稟請兵部大臣選派武員充當教習者有二

一教授兵器

二教授工程兼司各種管理保存之事

六總理有體察學生學業程度拔充助教之權以示優異而資鼓勵

七總理與各項專門總教員組織一武學部凡部內人員有條陳意見者呈之

本部經本部轉呈兵部

八各總教習如有事故可由總理派人代理如適同級官缺乏亦可派次級者暫充惟次級者不得儕諸武學部人員之例

九武學部選定教科書呈之兵部校正發行此外如查有書圖模型儀器之最新者亦可呈請兵部撥款添置

十副理一員由陸軍部選派來堂管理文告記錄兼充武學部之書記官

十一雜務官一員管理全堂日用庶務兼理郵政上承總理之命管理修建房屋事宜及本堂所屬產業

十二特務執事官一員由陸軍部選派來堂管理衣服飲食什器等事

十三學堂藏書樓長一員由陸軍部選派來堂司理圖書產業與一切應辦之事倘力有不周總理可派員相助爲理

十四總理有派委員稽查之權令其分查支發買辦給養事宜並自派支應員一員掌一切經費出入事宜惟支發之時須總理認可畫押

第二條 學生入學

考選學生之法上議院議紳及下議院議紳各考派本省少年一人未入行省之省及華盛頓府亦各考派一人此外總統由全國簡派三十人凡議紳選生入學必先發告白布告考期招人應試其首選之一人卽咨送兵部兵部給與執照赴堂考試中程者入堂肄業但議紳亦有不自考試請咨徑令

教育類



知書。兵不識字。今則軍官悉從學堂出身。兵卒亦須受小學教育。入隊之後。更教以相當之學科。往日軍人有過。隨意杖責。今則軍法獨立。不受非刑。往日文制於武。故武官皆受文官節制。今則海陸軍部皆用武官。軍統鎮統司令權。高於地方行政官權。往日武官一經罷職。便等庶人。今則武官一經授職。便爲終身官階。如斯等類。不可勝述。總須啟發其愛慕軍人樂於從軍之思想。

一。宜注重愛國。使知國民對於國家。有如何之關係。如印度。如朝鮮。如波瀾。如安南等無國之民。如何受人凌辱。如何受人苛待。其不可忍之慘狀。苦痛如何。一。宜使知愛國莫先於不自賣國。今中外之亡國者。半由於國民爲虎作倀。引賊入室。或爲敵人作鄉導。作偵探。自爲魚肉所致。如宋之賈似道。張宏範。呂文煥。今朝鮮之李完用等。可爲炯戒。

一。宜使知愛國莫先於爲國籌餉。如日俄戰爭時。日本學童知以父母給與之餅菓錢。儲蓄銀行。以助戰費。故能宣揚國威。勝俄併韓。又如明福王當流賊爲

亂時。家藏百萬。不肯出一錢。以助兵餉。致卒死於賊。

一。宜使知愛國。必保重國籍。凡爲他國之順民。或歸化。或投降者。皆賣祖宗無廉恥。而爲全世界所賤惡。不以人類視之者也。

一。宜使知愛國。莫先於爲國捐軀。堅強不屈。奮勇死戰。如唐之張睢陽。如宋之岳武穆。如日本之敢死隊。死後有如何之名譽。如何受國民之崇拜。

一。宜使知愛國。莫先於爲國遠征。如漢班超之開闢西域。明鄭昭之往服南洋。左文襄之收復伊犁。馬基頓王亞歷山大之征取印度。以喚起國民遠戍邊陲之志氣。

一。宜使知中國現勢之危急。何省爲何國勢力範圍。何地割讓於何國。何處與何國接壤。何處鑛產。鐵路。航道利權。爲何國所奪。何國與何國協約。以謀我。何國最爲我國之大害。何國對於我國之野心最重。我國君民上下。應如何同心協力。以抵禦之。對付之。而後瓜分可免。國基可固。

一。宜使知我國歷史上之國恥。如鴉片之役。英法聯軍之役。越南之役。甲午之役。庚子之役。日俄爭我東三省之役。皆我國民一日不可忘之大辱也。知恥然後近勇。明恥所以教戰。故德國小學校。皆懸拿破崙破崙蹂躪普魯士國圖。日本小學校。則以俄國干涉遼邊之舉爲教科之資料。誠有取乎此也。

一。宜使知中國具世界頭等強國之資格。有開紀最早之文明。有發達最久之歷史。有聰明最多之人口。有最廣大之方輿。有最富美之物產。有最膏腴之地土。有最溫和之氣候。皆爲全世界所不及。以壯其氣而堅其志。

一。宜使知交通時代。本國民對於他國民。有平時戰時之別。有戰場外與戰場內之別。如在戰時及戰場內。則以殺敵致果爲事。如在平時及戰場外。則以不妨害我國政令爲限。凡對於傳教通商游歷之外國人。不可仇視暴亂。致啓兵端。宜一視同仁。以無失文明大國民之氣度。

一。宜使知尊重秩序。服從法律。端正姿勢。講求衛生。一望而知有軍國民之

氣概。

一。宜使知陸軍編制之大概。軍人之名稱及階級。兵種之區別及任務。附近駐紮軍隊之稱號。兵役之義務及種類。

丙。校外教育。

一。音樂會。

一。運動會。

一。團體旅行。

一。參觀軍隊及工場古蹟。

二。中學堂學生。年齡較長。程度較高。非如小學校人人皆得有入學之資格。故此校學生。宜教以陸軍中學堂相當之軍事學。得應入伍生之考試。以爲造就軍官之基礎。按照學部章程。更明訂程度教法如左。

一。以上小學堂所述。皆爲中學所適用。但宜擴張其範圍與程度。

二。宜於科學之外。教以淺近之軍事學及兵式操練技術。

我國現在軍制學大要。

步兵操法摘要及野外要務書摘要。

射擊教範初步。

體操教範及實施。

劈刺術教範及實施又柔術。

測圖學初步。

軍人徒手教練。以至操槍成排成隊教練。

軍隊射擊之見學。

行軍之實施。

軍隊大演習之參觀。

定短裝爲學堂之制服。

三爲師範學堂。此等學生。爲直接施行軍國民教育之人。質言之。卽育成軍國民之母也。故欲育成軍國民。不可不注重師範。爲軍國民教育下手之起點。宜按照學部章程。施以上中學所定軍事學之教育。並宜仿照日本先例。以軍官爲校長。或由陸軍部派員考核其軍事教育之方法。或令師範生於卒業之後。入隊三月。實行練習軍事學。庶軍國民教育。不致徒託空言。

四爲補助學堂。此等學生。收效最速。宜兼採小學及中學之簡要者。以施軍事教育。庶易爲力。

五爲補助教育機關。如教育研究會。宜倣英法德日各國。每學區設立一處。或數處。或數學區設立一處。以爲教員補習及研究教育之所。如體育會。宜於城鎮鄉村到處設立。購置體操器具及竹劍木鎗護胸等具類。聽民自習。是又爲發達軍國民教育之一助。

六爲女子各種學堂。自表面上言之。女子無當兵義務。似與軍國民教育無甚

關係。實則女子爲孕育國民之母。母身之強弱。生兒之強弱繫焉。蓋體育強母身。卽所以強兒身也。此女教關係於軍國民教育者一。國民教育。以胎教爲始基。以家庭教育爲嚆矢。女子教育。又胎教與家庭教育之造端也。如女子不諳軍國主義。必至養成貪生畏死之男兒。以執干戈衛社稷爲危道。一言効命疆場。則骨肉之間。竟有無期之哀痛。有國民如此。甚非國家之福也。此女教關於軍國民教育者二。兒女情長。則英雄氣短。女子以柔腸弱骨。託命所天。一旦良人遠征。或則牽衣頓足。或則伏枕悲鳴。雖有慷慨報國之男兒。亦往往把持於婦人女子之手而不能脫其羈絆。無他。女子不知軍國大義故也。此女教關係於軍國民教育者三。近日世運進步。男子則以殺敵致果爲榮。女子則以救困扶危爲職。故萬國赤十字會。半由女子組織而成。如體育不良。則一身不能自保。安能從事戰場。爲撫恤傷疾之舉。此女教關係於軍國民教育者四。由此言之。女子體育。應與智育德育並重。尤應使之洞悉軍國主義。以爲軍國民教育

教育叢錄
之先導。



實業類

從事農科。又嘗聞曰。吾國之農業與彼不同。恐今日所學非異日所用。蓋言者以爲西法必宜施之於西物。又觀國人之從事新學者。皆宗法於歐美日本。處處趨訪。甚至非我之所宜者亦爲之。或我所固有而且良者亦忽之。吾又竊非之。以其拘守西法而不知貫通也。吾之願望。在求事理之確當所在。而不爲成見成法所拘。今又大豆之研究亦本斯意。中國爲產豆之區。其將來價值功用有過於今日萬萬。然尙未及於實行者。因乏於提倡研究也。西人搜求新理不遺餘力。而大豆事業未早發達者。因輸入者遲故也。若能以西方之學理。研求此東方之產物。庶缺點可免矣。此作（大豆）一書之旨也。

吾曾爲大豆工藝食品功用諸說。以明其價值。欲國人注意於大豆。今又爲此（大豆）一書。于關涉大豆各種問題。逐端研究。定大豆之名稱種類。使勿與他豆混淆。攷其產地與歷史。以知大豆普及之進步。論大豆之形體含素特性。可知其優勝之點。述大豆食品工藝農業之功用。以明其價值而圖所以利用。

之此作（大豆）一書分類之意也。

惟以作者淺學。草創此書。非足供專家精理之探求。實爲普通研究之預備。故不憚以淺顯科學之理解釋。未免言之較冗。尙望讀者諒之。又大豆雖中國故產。而殊少記載。西人雖已研究。亦難詳盡。吾曾參攷中西之說。加以個人之徵驗。而終難以淺學短期。望得精詳之作。今姑掇錄成帙。以爲始基。當再逐年增改。並望讀者惠教。或正已往之謬誤。或示未聞之新理。此研求大豆者之所共願。豈作者一人之希望已哉。宣統二年夏高陽李煜瀛識于京師

大豆之名稱與種類

大豆爲豆之一類。其色或黃或青或黑或赤或斑。其內外（仁與皮）之色或異或同。其形或長或圓。其粒之大小不一。各種大豆外狀之相異如此。而其內性略同。（見後）以上所舉各色之豆。中國俗言中幾無統一之名。若語以（大豆）率皆不知所指。必語以黃豆黑豆。或大黃豆大黑豆。此則以大小爲對

待之詞。而非以大豆爲總稱。文言中固有大豆之名。見於本草。本草綱目載有黑大豆。黃大豆。是以大豆爲本名。以色爲專名。與俗言中之大黃豆。大黑豆。有別。李時珍（著本草綱目者）曰（大豆有黑白黃褐青斑數色）說文有（卷）字（音卷）齊民要術引廣志曰（大豆有青有黃。皆此豆也。豆莢有毛。亦稱毛豆）廣韻云。卷黃豆也。劉寶楠釋穀曰（豆之黃者最多。故獨得黃名。一）蓋黃豆實大豆最顯著者。故俗言幾以黃豆爲大豆之代字。惟其指名一色。難洽統稱。俗言中宜正其名曰（大豆）（卷）爲大豆之轉注。自亦可通用。西文本於拉丁名大豆爲（搔廈）或（搔亞）或（蘇）廣雅云（大豆菽也。小豆荅也）按（蘇）卽（搔廈）（搔亞）之切音。本與菽字相近。大豆本中國之產物。爲世所公認。蓋（蘇）及（搔廈）（搔亞）等字實菽字之譯音。直可謂西文名大豆爲菽。音誼俱同。且非出自附會。（菽）字本爲大豆之轉注。今已爲世界之通稱。各色之大豆。西文均以（菽）字爲之統稱。繫之

以色以定專名。如（黃菽）（黑菽）等類。

証以古今中外之說。（大豆）（卷）（菽）三轉注字。實爲總稱。而黃豆。青豆。（青豆有兩大種一爲皮青豆一爲內外青豆）黑豆。（黑豆亦有兩大種一爲黑皮黃仁豆此尋常之黑豆一爲黑皮綠仁豆亦名曰烏豆）茶豆。（亦名大紅豆又有棕豆粒小而色相近均統於此屬）斑豆。（質爲絳色有黑紋俗名虎皮豆或貓眼豆）等。皆各種之專名。（大豆每種又自分門類不可勝書茲僅舉其大者）茲列圖表如下。以明其外狀之不同。亦以証其種類之夥。然均不離乎大豆也。

大豆之產地與其之歷史

大豆產於中國。自古有之。其名見神農本草。淮南子云。神農嘗百草。帝王世紀云。黃帝使岐伯嘗草味。定本草經。雖不能斷本草自何代而作。要之必一極古之書。謂大豆爲神黃以來之故產。又奚足異。其爲吾國農品者。殆非五千年乎。

許氏說文有菴字。卽大豆也。廣雅云。大豆菽也。謝綽拾遺云。三代前後未聞豆腐。至漢淮南王安始傳其術於世。山堂肆攷云。豆腐一名菽乳。清異錄云。時戢爲青陽丞。日市豆腐數個。邑人呼豆腐爲小宰羊。陸游詩洗瀟煮黎祁。自注蜀人名豆腐曰黎祁。蘇軾詩曰。鑿中軟玉香。煮豆爲乳……等。亦皆咏豆腐之作。參攷古書之言大豆豆腐者。掇錄於此。自此數証以外。其已往歷史固不得詳攷。然亦可斷其爲吾國之一極普通之古食品也。

今大豆之種植與豆腐之製作。遍於全國。無地無之。吾所目覩之大豆。已有燕遼秦晉吳越閩粵湘楚滇蜀諸種。日本及南洋島中其種亦甚夥。習爲日用之品。是大豆產地徧及于亞洲全土矣。

逮千七百四十年。（乾隆五年）巴黎植物園中始有大豆。千七百九十年。（乾隆五十五年）輸入英國。皆不過視爲新異之品。而未憶其實用也。至千八百五十五年。（咸豐五年）法領事官孟氏復從中國輸入。又經巴黎遠方植

物學會提倡之。於是法人始試植爲農品。至千八百七十五年。（光緒元年）

有農士阿氏輸之於奧大利雄加利國。提倡種植。使充食品。千八百八十一年。

（光緒七年）王氏稱述其在德試驗之效。千八百八十八年。（光緒十四年）

（輸于美國。植爲牲畜之食品。千九百一年。（光緒二十七年）俄北境大豆

種植之效亦張。觀此一百餘年以來。（由千七百四十年以來即乾隆五年）

大豆之種植亦略佈于歐美。當是時農士醫家之博通者亦多注意於此。研究

論述。逐漸增多。然尙未能及於通俗。及千九百五年。（光緒三十一年）吾於

巴黎萬牛乳公會演述豆乳之功用。與聞者數百人。各報刊傳。於是致書相問

者不絕。無何。設立研究所專資試驗。巴黎豆腐工廠遂基於此而成立。時千九

百九年也。（宣統元年）是冬於巴黎食物賽會陳列各品。次年夏又與于比

都萬國賽會。爲世人萃集之所。亦大豆揚譽最遠之日。近一年來西人之購大

豆爲數甚巨。以億兆計。蓋大豆之廣傳非一人之私言。乃亦事實之証。以前五

千載之久大豆不曾西渡而今百餘年內進步甚猛有俄頃千里之勢蓋古今交通難易之使然亦習尚漸通之一証以近年之速律推之大豆普行全世之日企足可望矣。

大豆在植物中之位置

植物種類繁多形性不一從事植物學者列爲若干門類使考求者有所循序欲研求大豆亦宜循此門徑以知其在植物中之位置錄植物簡表

一初等植物——菌藻苔之屬（無花無果）

甲松柏之屬

二高等植物

一穀蘭之屬（芽生）

乙二菽果之屬（莢生）

由以上表中觀之見豆居高等植物之乙二類中乙二類又自分而爲若干類數甚衆不及備載而豆居其一。豆科植物棵之大小不一或屬草本或屬木本。

大豆棵之高低在二尺五左右偶及四尺五寸。非通例也。其花小。形稍類蝶翅。或綠或白或紫。深淺不等。雄蕊有六。雌蕊一。中有子房由二至五。此即結粒之數也。其實似角形。長一寸五左右。寬四分。左右。角外有毛。角內含有豆粒。粒之外括以皮。內有雙莢一芽。皮色不等。小大相殊。每棵豆角之數可至百。豆粒之數可至四百五十。其葉互相錯縱。數以三聚。凡豆科植物之根上皆有根瘤。形如穀粒。瘤中含有微生物。能吸收空氣中之淡質。而利用之。此為尋常植物所不能者。（空氣中有淡氣。養氣。凡植物均呼吸空氣。淡氣自亦吸入而不能化為己有。惟豆科植物能之。其特性也。）凡豆科植物皆富於淡質。且種豆之田亦因之而肥。此固豆科植物之特性。而大豆尤著。大豆根瘤之徑線恆及于二分之大。豆之富於淡質。本為植物中之特卓者。而大豆為特卓植物中之又特卓者矣。

大豆之含素



新法令

條例

一縣丞以下等官叅革離任或告病身故實係窮苦不能回籍者該督撫於存公項內酌給還鄉路費每年造冊報銷

承差轉雇寄人

凡承差起解官物囚徒畜產不親管送而雇人寄人代領送者處六等罰因而損失官物畜產及失囚者依（本）律各從重論（損失重問損失輕則仍科雇寄）受雇受寄人各減（承差人）一等○其同差人自相替者放者各處四等罰取財者（承替取放者貼解之物）計贓以不枉法論若事有損失者亦依損失官物及失囚律追斷不在減等之限（若侵欺故縱各依本律替者有犯管送人不知者不坐）

條例

一起解人犯每名選差的役二名管押兵丁二名護送若兵役派不足數

大清現行刑律

及雇人代解許兵役互相稟報本管官知會原派衙門查究補派若兵役知而不舉將兵役及承派之書吏俱處十等罰革役其經由前途文武各官按批查點有缺少及代解等弊卽詳報督撫將原派官弁叅處其缺少頂替之兵役照承差起解囚徒雇人代送律處六等罰革役如前途各官隱匿不報別經發覺奏叅議處


乘官畜產車船附私物

凡因公差應乘官馬牛駝羸驢者（各衙門自乘官馬不得附驛而行者）除隨身衣仗外私駝物不得過十斤違者五斤處一等罰每十斤加一等罪止六等罰（不在乘驛馬之條）○其乘船車者私載物不得過三十斤違者十斤處一等罰每二十斤加一等罪止七等罰家人隨從者不坐若受寄私載他人物者寄物之人同罪其物並入官當該官司知而容縱者與同罪不知者不坐若應合遞運家小（如陣亡病故官

軍及官員在任以理病故者（雖有私帶物件）不在此限
私借驛馬

凡驛官將驛馬私自借用或轉借與人及借之者各處八等罰驛驢減一
等驗（計）日追雇賃錢入官若計雇賃錢重（於私借之罪）者各
坐贓論加二等





大清現行刑律卷二十

賊盜上

謀反大逆

凡謀反（不利於國謂謀危社稷）及大逆（不利於君謂謀毀宗廟山陵及宮闕）但共謀者不分首從（已未行）皆斬知情故縱隱藏者絞有能捕獲（正犯）者量功授職仍將犯人財產給半充賞（餘者或入官或仍給家屬隨案辦理）知而首告官爲捕獲者止給財產（雖無故繼但）不首者流三千里（未行而親屬告捕到官正犯同自首免已行不免非親屬首捕雖未行仍依律坐）

謀叛

凡謀叛（私謀背本國潛從他國）但共謀者不分首從皆絞知情故縱隱藏者絞（監候入於秋審情實）有能告捕者將犯人財產給半充

賞（餘者或入官或仍給家屬隨案辦理）知（已行）而不首者流
三千里若謀而未行者爲首絞（監候入於秋審情實）爲從者（不
分多少）皆流三千里知（未行）而不首者徒三年（未行則事尙
隱秘故不言故縱隱藏）○若逃避山澤不服追喚者（或避差或犯
罪負固不服非暫逃比）（以謀叛未行論）（依前分首從）其拒敵官
兵者以謀叛已行論（依前不分首從律以上二條未行時事屬隱秘
須審實乃坐）

條例

一凡異姓人但有歃血訂盟焚表結拜弟兄者照謀叛未行律爲首者擬
絞監候爲從減一等若聚衆至二十人以上爲首者擬絞監候入於秋
審情實爲從者發煙瘴地方安置其雖無歃血盟誓焚表情事若年少
居首並非依齒序列卽屬匪黨渠魁聚衆至四十人以上者首犯改擬

絞監候入於秋審情實爲從發煙瘴地方安置未及四十人者爲首擬絞監候爲從流三千里其有抗官拒捕持械格鬪等情無論人數多寡各按本罪分別首從應絞候者加擬立決應遣流以下者照罪人拒捕各律例分別治罪如爲從各犯內審明實係良民被脅勉從結拜並無抗官拒捕等事者應於爲從各本罪上再減一等僅止畏累出錢未經隨同結拜者照違

制律治罪其聞拏投首及事未發而自首者各照律例分別減免儻減免之後復犯結拜不許再首均於應擬本罪上酌予加等應絞候者改擬絞決應發煙瘴安置者發新疆當差應滿流者改爲極邊足四千里安置應滿徒以下亦各遞加一等治罪其自首免罪各犯由縣造具姓名住址清冊責成保甲族長嚴行稽查約束仍將保人姓名登記冊內如有再犯卽將知而不首之保甲族長處十等罰

一各省拏獲會匪如訊係爲首開堂放飄者及領受飄布展轉糾夥散放多人或在會中充當元帥軍師坐堂陪堂刑堂禮堂名目與入會之後雖未放飄展轉糾人而有夥同搶劫情事及勾通教匪煽惑擾害者一經審實卽開錄詳細供招稟請覆訊就地正法仍隨案具奏此外如有雖經入會並非頭目情罪稍輕之犯酌定年限監禁俟限滿後察看是否安靜守法能否改過自新分別辦理其無知鄉民被誘被脅誤受匪徒飄布希冀保全身家並非甘心從逆之人如能悔罪自首呈繳飄布者一概從寬免其究治其有向充會匪自行投首密告匪首姓名因而拿獲亦一律免罪若投首後又能作綫引拏首要各犯到案究辦除免罪之外仍由該地方官酌量給賞地方文武員弁能拏獲著名首要審實懲辦隨案奏請優獎如妄拏無辜擾累閭閻以及縱匪貽害亦卽嚴行叅處

一凡不逞之徒歃血訂盟轉相結連土豪市棍衙役兵丁彼倡此應爲害良民據遠佑鄉保首告地方官如不准理又不緝拏惟圖掩飾或至蠱起爲盜抄掠橫行將地方文武各官革職從重治罪其平日失察首告之後不自隱諱卽能擒獲之地方官免其議處至鄉保鄰佑知情不行首告者亦從重治罪如旁人確知首告者該地方官酌量給賞儻借端妄告者仍照誣告律治罪

一叛逆案內被脅入夥並無隨同焚汎戕官抗拒官兵情事者各於斬絞罪上減一等發煙瘴地方安置其聞拏悔罪自行投首者再減一等徒三年

造妖書妖言

凡造妖書妖言及傳用惑衆者皆絞（監候被惑人不坐不反衆者流三

千里合依量情分坐)若(他人造傳)私有妖書隱藏不送官者徒三年

條例

一凡狂妄之徒因事造言捏成歌曲沿街唱和及以鄙俚藝嫚之詞刊刻傳播者內外各地方官即時察拏審非妖言惑衆者坐以不應重罪

一凡坊肆市賣一應淫褻書畫地方有司一體嚴禁板書器物盡行搽毀有造作刻印描畫者係官革職軍民徒三年市賣者處十等罰買看者處八等罰該管官不行查出交部議處仍不准借端出首訛詐

盜大祀神御物

凡盜大祀(天曰)神(地曰)祇御用祭器帷帳等物及盜饗薦玉帛牲牢饌具之屬者皆絞(不分首從監守常人請在殿內及已至祭所

而盜者）其（祭器品物）未進神御及營造未成若已奉祭訖之物
及其餘官物（雖大祀所用非應薦之物）皆徒三年若計賊重於本
罪（徒三年）者各加盜罪一等（調監守常人盜者各加監守常人
盜罪一等至雜犯絞不加）

凡盜制書者（若非御寶原書止鈔行者以官文書論）皆絞（不分首
從）○盜各衙門官文書者皆處十等罰若有所規避者（或侵欺錢
糧或受財買求之類）從重論事干（係）軍機（之）錢糧者皆絞
（監候不分首從）

盜印信

凡盜各衙門印信者（不分首從）皆絞（監候又偽造印信時憲書條
例云欽給關防與印信同）盜關防印記者皆處十等罰

盜內府財物

凡盜內府財物者皆絞（雜犯但盜卽坐不論多寡不分首從若財物未進處止依盜官物論內府字要詳

條例

一凡偷竊

大內及

禁苑

乘輿服物者照律不分首從擬絞立決

偷竊各省

行宮乘輿服物者爲首擬絞監候爲從發煙瘴地方安置其偷竊

行宮內該班官員人等財物仍照偷竊衙署例問擬若遇

翠華臨幸之時有偷竊

行宮物件者仍依偷竊

大內服物例治罪

一凡盜

內府財物係

御寶

乘輿服御物者絞立決其餘銀兩錢帛等物分別監守常人照盜倉庫錢糧各

本例定擬

一行竊

紫禁城內該班官員人等財物不計賊數人數照偷竊衙署例上加一等治

罪賊重者從重論

盜城門鑰

凡盜京城門鑰皆（不分盜徒）流三千里（雜犯遺失者徒二年半）

大清現行刑律

盜府廳州縣鎮城關門鑰皆徒三年盜倉庫門（內外各衙門）等鑰皆工作十個月（盜紫禁城門鑰以盜內府物論盜監獄門鑰比倉庫）盜軍器

凡盜（人關領在家）軍器者（如衣甲鎗刀弓箭之類）計贓以凡盜論若盜（民間）應禁軍器者（如人馬甲傍牌火筒火礮旗纛號帶之類）與（事主已得）私有（之）罪同若行軍之所及宿衛軍人相盜入己者准凡盜論（若不入己）還充官用者各減二等

盜園陵樹木

凡盜園陵內樹木者皆（不分首從）徒三年若盜他人墳塋內樹木者（首）工作六個月（從減一等）若計（入己）贓重於（滿徒工作）本罪者各加盜罪一等（各加監守常人竊盜罪一等若未砍斫仍以毀論

條例

一凡在紅椿以內盜砍樹株取土取石窰燒造放火燒山者爲首擬絞監候爲從流二千五百里若紅椿以外官山界限以內除採樵枝葉並民間修理房塋取土刨坑不及丈餘取用山上浮石長不及丈及砍取自種私樹者一概不禁外其有盜砍官樹開山取石掘地成濠開窰燒造放火燒山者在紅椿以外白椿以內流二千五百里在白椿以外青椿以內徒三年在青椿以外官山以內徒二年半爲從各減一等計賊重於徒罪者各加一等官山界址在二十里外卽以二十里爲限若在二十里內卽以官山所止之處爲限弁兵受賄故縱與囚同罪賊重者計賊以枉法從重論其止疎於防範者兵丁處十等罰官弁交部議處

一私入紅椿火道以內偷打牲畜爲首發極邊足四千里安置其因起意在內偷牲遺失火種以致延燒草木者發煙瘴地方安置爲從各徒三

年如延燒

殿宇牆垣爲首擬絞監候爲從流三千里

一凡在紅椿白椿以內偷挖人參至五十兩以上爲首擬絞監候不及五十兩者流三千里爲從各減一等在白椿以外青椿以內偷挖者照盜園陵樹木本律治罪弁兵受賄故縱與本犯同科賊重者計賊以枉法從重論其止疎於防範者兵丁處十等罰官弁交部議處

一凡子孫將祖父墳塋前列或行樹木及墳旁散樹高大株顆私自砍賣者一株至十株處十等罰十一株至二十株徒三年計賊重者准竊盜加一等從其重者論二十一株以上者流三千里（如平日並無不肖行爲實係迫於貧難別有正大需用於墳塋並無妨礙人所共知者不用此例或係墳旁散樹並非高大樹顆均照不應重科罪）看墳人等及雇工盜賣者罪同若雇工看墳人等盜賣墳塋之房屋碑石甃瓦木

掌
故

掌故

順直城邑源流攷

浮雲蒼拘。幻態無常。滄海桑田。陳迹忽杳。甚或重樓傑閣。僅餘斷堞頽垣。古戍荒村。反成通都大邑。是固由時代之沿革。亦隱寓地運之興衰。已猶憶戊戌年航海北上。道出津沽。見夫雉堞參差。雄關坐鎮。恍然於明永樂時。建此城。將資爲海疆之屏障也。越庚子辛丑。再經其地。則人民如故。城郭已非。較丁令威歸來之感。有大相逕庭者。數年以來。租界林立。軌道紛馳。土木繁興。幾於日新而月盛。大吏慮利權之外益。百計以圖自強。於是增車站。開馬路。置鐵橋。化險阻。爲康莊。闢萊蕪。爲塵市。試登高而遠矚。已非復當時之氣象矣。居是邦者。撫今追昔。不無感慨於其間。因思地利者。實與天時人和互相依輔者也。津郡之變遷。如斯其易。由此類推。舉古所謂燕雲十六州。或隨時而移治。或因人而改觀。

其變遷更不知凡幾。爰考歷朝之舊制。搜當世之遺聞。繙閱志書。編輯成冊。名曰順直城邑源流攷。登諸本報。以餉同人。當亦考古者所不廢焉爾。

射陽王鎔之識

大興縣

薊縣故城。在今縣西南。史記周武王克商。封帝堯之後於薊。卽此。春秋時爲北燕國都。秦始皇二十一年。取燕薊城。二世元年。武臣韓廣至薊。自立爲燕王。漢元年。項羽更立其將。臧荼爲燕王。仍都薊。五年入漢。仍爲國治。（地理志屬廣陽國）後漢建武二年。漁陽太守彭寵反。攻幽州牧朱浮於薊。三年寵陷薊城。自立爲燕王。五年寵平。初平二年。封公孫瓚爲薊侯。瓚與幽州牧劉虞不相能。於大城東南更築小城以居。晉建興二年。陷於石勒。永和二年。燕慕容儁攻拔薊城。因都之。寰宇記郡國志云。薊城南北九里。東西七里。開十門。慕容儁鑄銅爲馬。因名銅馬門也。歷後魏隋唐皆曰薊縣。爲州郡治。遼始改名析津。今改曰

大興。元至元四年。於中都之東北置城遷都。卽今治也。案禮記樂記。武王封黃帝之後於薊。陸德明釋文。今薊縣卽燕國都。孔安國司馬遷及鄭康成皆以薊燕爲一。而召公卽黃帝之後。班固漢志亦謂召公封此。其說與史記封黃帝之後。及封功臣召公之後皆不合。史記正義。召公始封。蓋在北平無終縣。以燕山爲名。後漸強盛。乃并薊徙居之。其說是也。又案明統志。舊燕城在府西南。遼金故都也。朱彝尊曰。下舊聞。謂今之西安門。去唐幽州城東北五里。則唐時薊縣幽都皆在大宛二縣西南。（大清一統志）迴城。在縣東南。舊唐書地理志。沃州濱海。縣本寄治營州城內。州陷。契丹乃遷於薊州東南迴城。舊志有圍城。在今縣東南五十里。（大清一統志）案今南苑迴城外有迴城村。村東有土城。基長一里。高二丈餘。凡五段。雖去蘆溝稍遠。（春明夢餘錄云迴城在蘆溝東南）而方向則合。或卽遺址。未可知也。（日下舊聞考）

謹案名勝志。迴城在薊縣東。唐遷營州於薊。爲築此城。近薊邱旁。

宛平縣

幽都故縣。在今縣西南。舊唐帝地理志。幽州領幽都縣。管郭下西界。建中二年。取羅城內廢燕州廨置。唐書地理志。隋於營州之境。汝羅故城置遼西郡。武德元年改曰燕州。六年自營州遷於幽州城中。貞觀二十五年徙治幽州北桃谷山。天寶元年爲歸德郡。建中二年爲朱滔所滅。因廢爲縣。遼史地理志。宛平縣本幽都縣。開泰元年改今名。（大清一統志）

陰鄉廢縣。在縣西南。漢置。屬廢陽國。後漢省寰宇記。在今薊縣南界良鄉東界固安北界三縣交入之地。方輿紀要在府西南二十五里。其遺址俗謂之籠火城。唐武德三年竇建德遣將高士興擊羅藝於幽州不克。退軍籠火城是也。（同上）

玉河廢縣。在縣西。五代時遼史地理志。劉仁恭於大安山創宮觀。師煉丹羽化之術於方士王若訥。因割薊縣分置玉河縣以供給之。在京西四十里。金廢（

大清一統志）過長店岡而西有縣村。疑卽古玉河縣故址。然唐時幽州管內。尙有廣平縣。亦分薊縣置者。所謂縣村。究未定爲何縣也。（國門近遊錄）縣西四十里有城子村。舊爲玉河鄉地。與方輿紀要之說合。當卽玉河廢縣。第故城已無遺跡耳。（日下舊聞考）

牙城。在縣西南五里。相傳唐藩鎮牙城也。或云遼金別都亦在此。元遷都稍東。舊城半入於朝市。無迹可見。西半尙存。俗呼蕭太后城。旁有梁家園。（大清一統志）

土城。在縣西北得勝門外八里。卽元大都故城也。或謂之土城關。（同上）
舊燕城。在縣西南。遼史地理志。晉高祖以遼有援立功。割幽州等十六州以予。太宗升爲南京。方三十六里。卽遼故都也。（雍正志）

良鄉縣

廣陽故城。在縣東北。漢置。以其屬廣陽國。亦謂之小廣陽。後漢初耿弇追賊至

小廣陽卽此。北齊省括地志。廣陽故城在良鄉東北三十七里。舊唐書地理志。歸義州歸義縣。總章中置。處海外新羅。在良鄉縣之古廣陽城。又夷賓州領來蘇縣。瑞州領來遠縣。神龍初皆寄治古廣陽城。方輿紀要。唐上元三年。史朝義自歸義東奔廣陽。此廣陽爲密雲郡之廢燕樂縣。所謂歸義卽此城也。舊治。廣陽城在今良鄉縣東北十里。（大清一統志）

陽鄉城。在縣南二十五里舊店西一里許。舊傳竇建德築。（縣志）

謹案一統志。固安縣西北有陽鄉故城。而此云在縣南二十五里舊店西。豈竇建德所築別一城歟。

固安縣

方城故城。在縣南。本燕方城邑。漢置縣。水經注。聖水東逕方城縣故城。李牧伐燕取方城是也。魏封劉放爲侯國。括地志。方城故城在固安縣東南十七里。寰宇記。固安縣在涿州東六十里。隋開皇九年自今易州涑水縣移固安縣於此。

文苑

雲起軒詩見遺戊申春南陵徐積餘曾以所刻學士詞餉我亦置案次摩抄披覽不無人琴之思賦引攄痛

放臣不復望修門（此放翁句曾爲我誦之）坐嘯江湖舌存自比純常狂有託（罷官後取蒙莊語號純常子）相憐寂寞語誰溫黨魁進退關清議詩案優容述舊恩欲遣巫陽招不下盈前文字即精魂

寄吳公璞白下

凌兢百感閤相持神契原難况貌離八表正哀甯復笑萬方同慨更奚悲民情瘵瘠醫先歎士氣凋傷卹已遲堅臥不知人事改薊門春好未歸時

再寄移孫

陳郎心跡最孤清提挈閒鷗共一盟文選昭明樓特近高腸元凱里成名梅陰閉戶遲爐篆花氣催潮上酒旌萬徧低回勞遠念春帆細雨尼君行
公園見月

公園今夜月與我小周旋熱念趨歌局高懷冷畫禪危樓凌水木雜樹冪風煙
默數循廊步悠悠當閱年

擬古四章

翻飛天際鳥宣音何舒平握君手屢欵約畧悲勞生雲高烟亦孤胡爲思遠征
林華循序發噫氣哀枯榮寧帷鑑流月疏落掇天星黃鵠一再翔遲汝迢迢情
低眉述情好相視杳不分車前一千里帶汝金閨身夜永列檠燭炤見容輝新
几前立斯須方寸難具陳天雞殊懊伊喔喔促初晨舊飛雙外央胡不稍逡巡
驚鴻避羅弋矯羽潛江津江水不可方浮雲如過塵玉規雖玳瑁故宜知珍
斂斂理朱絃遺歌奏履霜蓬飛本無蒂流轉移遐方丈夫方盛年置酒登虛堂
進止各有故望氣盈中腸穆穆月上軒向夕騰殊光誰焉俛予美暫列筵几旁
嘉招不可再賓主俱鑑忘

回首會天末激風拂水流陽春急難挽互視何綢繆鳴啁集灌木清響良鬱脩

少小生閭里觴豆逐燕游加餐長相憶美意共懽酬勵名致時用期子數千秋
寶劍篇贈長樂梁衆異鴻志

萬辟千灌鑄垂成祥金大冶躍且鳴截水不畏蚊龍悍陸剗直使犀象驚英光
影忽自申誦涂鵝澤染矜明晶短兵銜接不釋手相砍書就功尤精輕誹纖怨
不浪報顛持心志趨和平有時懸系屏不御匣中淵默含雷聲神物入世豈終
晦發鋒戢穎甯吾生荆鐘每懼有缺折吹羽居然辨重輕君子重諾不寡信匪
必馳擊爭勛名徐拭金石破氛壑蟠霄暨極傳精誠時危智勇恢遠用偉力毅
節宜交并風胡長往乏眞賞斗牛間繚光從橫

雪曲二首

極天洒雪犯貂裘玉勒珠題控紫騮臂上飢鷹神爪動踏歸去酒家樓
黃金齊斗手空揮醉擁鞦婆倚夢歸一夜雪花如掌大朝來都逐畫輪飛

寄示衆異

同時英俊並光暉
手捧琅書拜瓊闈
笑摘宮花簪短髮
醉搏春雪糝征衣
關河遠道遲遲往
哀樂中年漸漸非
賦罷凌聊自惜
五陵何事聘輕肥

再調古風

巖官志慮易蕪疎
積習嬰人百不除
奴子愛才依穎士
王孫炫貴迓相如
始聞東道逢賢主
未信南華是僻書
歲晚想君佳勝處
斲停旅食罷舟車

題南宋院本獵犬

解罷長圍草未春
輸他鷹隼出風塵
斂藏牙爪銷英銳
轉學烏龍睡錦茵
班馬蕭蕭噤不鳴
更無獵犬炤山明
中原狐兔何曾盡
已見韓盧入鑊烹
沈太侔創國學粹編祝以韵辭

百家騰躍日堂堂
坐見斯文就放荒
欲挈頽流還簡樸
要收精意入微芒
格練

呵護虞遺佚水火淪燔泯毀傷風雨晦明叢雜感一篇酬對古之狂

題岱覽

綿延一脈從岷崙大山三百皆兒孫魯邦所瞻峙重鎮特立羣嶽先稱尊極目
千里青未了回光炤海相涵吞風雲晻靄幻景物陰陽激盪成朝昏衆山低昂
天下小不聞人世聲囂誼黃河宛約束修綆奔流滉漭徒淵渾哲王拓迹述功
烈導揚封禪典則存汾祠后土敢比擬苴芽鏐檢需討論秦碑漢碣動尋繹蒼
角鹿曠神虬翻法駕遠賁受靈貺臣庶歌頌窮追奔予嘗挾策走稷下岱宗尺
咫遲攀援日觀峰巖未濯景隔郡遙企鈎陳垣圖書展睇豈饗意安得蠟屐探
煙村此間一壑倘可段招致南北畸人魂臂不能支綠玉杖夢來能接青霞言
扶桑挂弓在何日鉄弩射落空中噉射虎歸來殊邑邑厭踏月脇穿天根酒酣
抵几泣真宰呼龍不還思羨門浮生浪跡甯有止會須好手維乾坤

失題

珠玉買歌笑糟糠養賢才演繹太白語俯仰有餘哀密意莫復考纖懷孰見開
詰人人返詰端藉悅生來

公園

築毯場廣重廊合空廓先增一倍寒記取停車殘暑後秋花如繡地衣寬
霜柯匝匝撼驚飈無復江城柳萬條一事未收游女意槿籬芳援太清寥
歲晚寄衆異

涉臘侵年成獨笑欲尋此意已茫茫恣譚預奪千人氣造論能開萬古荒早棄
喧呶就岑寂旋持簡默藥清狂流連急景無歸宿且逐壺觴竟夕忙
悠然人境鬱深寒瘦怪詩成背俗看眈酒厭邀中聖譽好閒悔辦外臺官學書
豈必申長志聽鼓何緣作短歎好與放翁較胸次秋空萬里未爲寬
再寄古鳳越若

日薄樓層酒一中哀時無當氣徒雄詩能入格蠲奇想文豈貪天冒偉功通脫

